

KE ENG DIFORO TSA SETSO?

EBANDLA; HUVO; INKUNDLA; INKHUNDLA; INKUNDLA; KGORO; KGOTLA; KHORO; KGOTLA; TRIBUNAL)?

Diforo tsa setso ke mafelo a motse kgotsa a morafe ao batho ba kopanang mo go ona go rarolla dikgotlhang ka melao le mekgwa ya setso. Di teng go thusa gore tshiamo e fitlhlele batho ba ba nnang mo metseng ya magaeng, go tlotla mekgwa ya setso sa Aforika, le go boloka kagiso mo motseng — mme dilo tsotlhe di tshwanetse go tsamaisana le Molaotheo, tekatekano, seriti sa motho le ditshwanelo tsa botho. Diforo tseno di ka tsamaisiwa ke kgosi, ramotshere, morafe wa bagolo kgotsa maloko a lekgotla la setso. Mme ga se mafelo otlhe a a dirang ka tsela e e tshwanang — mo metseng mengwe, diforo tseno di diragala mo malapeng, mo matlong kgotsa gare ga dikgotla tsa malapa.

Baagi ba ka tsena ka boithaopo, mme ba ka gana le fa ba biditswe. Mo mafelong mangwe, go gana go ka tlisa kotlo. Motho mongwe le mongwe o na le tshwanelo ya go tlhopa gore o batla go rarolla bothata kae, e seng fela ka forong ya setso.



GO RAROLLA DIKGOTLHANG MO MOTSENG:

Batho ba setso ba setse ba na le ditsela tsa bona tsa go rarolla dikgotlhang. Diforo tseno ga se makgotla a puso; ke mafelo a puo le kutlwisisano, a a rebalang gore batho ba utlwane le go bona tharabololo e e bolokang morafe mongwe. Maikaelelo ke go busetsa kagiso — e seng go otlhaya kgotsa go ipusolosetsa.

Go ya ka molao wa setso, diforo tseno di mo molaong mme di amogelwa ke Molaotheo.

GA GO NA MONGWE YO O KA GO PATELETSANG GO DIRISA FORONG YA SETSO.

O KA YA KWA KGOTLATSHEKELO YA MAGISTRATE KGOTSA FORONG E NNGWE.

GO YA KA MOLAO WA SETSO, GO TSENA MO FORONG KE BOITHAOPPO — GA GO PATELETSO!



KITSISO YA BOTLHOKWA



INFO@STOPTHEBANTUSTANBILLS.ORG



+27 (0) 10 021 04572 / +27 (0) 66 132 5909



HTTPS://STOPTHEBANTUSTANBILL.ORG



STOP THE BANTUSTANS



Tshwanelo ya tsone mo lefelong

le mathata a a tlabang mo mafelong
a mangwe

Gantsi dikgotlhang tse dinnye di rarollwa ke malapa kgotsa bagolo ba motse.

- Diforo tsa setso di gaufi le batho, ga di je madi a mantsi, di bulegile, di bonolo go tlhaloganya, mme mongwe le mongwe o tshwanetse go utlwisiwa.
- Mme mo mafelong mangwe basadi ba gatakwa. Basadi bangwe ga ba letlewe go buela dikgang tsa bone — ba tshwanetse go bona monna kgotsa mogolo go bua mo boemong jwa bone.
- Ga go motlhofo go isa bothata jo bo amanang le kgosi kgotsa moeteledipele mo forong ya setso.
- Ga go na babuelli ba molao; yo o etelelang pele o bua se morafe o se dumalaneng ka sone morago ga gore mongwe le mongwe a buisane.
- Mo mafelong mangwe, o tshwanetse go duela pele ga o ka tsenya bothata.
- Mo mafelong mangwe, fa o gana go ya mo forong ya setso, o ka latlhegelwa ke dikwalo tse di bothokwa tse di tshwanang le proof of residence kgotsa lengwalo la ngwana la go ngwadisiwa kwa sekolong.

DIFORO TSA SETSO DI ITSAMAISA KA
TSONE; GA DI TLHOKE MOLAO O
MONTŠHWA. SE SE TLHOKEGANG
KE GO DI LEBELELA GORE GO SE
NNE LE KGOKGONTSHO KGOTSA
TIRISO E E SA SIAMANG.

Mefuta ya dikgotlhang tse di rarolwang mo forong ya setso

*(Seno se ka fapana go ya ka motse, lolapa
kgotsa morafe)*

- ☐ Go itaya motho, go utswa, go senya dithoto go tsena mo ntlong e e sa go amogeleng.
- ☐ Go nyatsa seriti sa motho (go roga kgotsa go phatlalatsa maaka).
- ☐ Dikgotlhang gare ga malapa kgotsa morafe.
- ☐ Dikgang tsa setso (go thwala, bogwera/bojale, lenyalo la setso, botsadi jwa bana, , boswa)
- ☐ Dipudi, dikgomo kgotsa diphoofolo tse dingwe tse di tsenang mo masimong a batho.



RE KOPA GORE O RE THUSE KA KITSISO KA FA DIFORO TSA SETSO DI DIRANG KA GONE

- ☒ • A o kile wa tsena mo forong ya setso?
- ☒ • A o kgotsofetse ka tsela e dilo di tsamaisiwang ka yone?
- ☒ • A basadi ba ile ba kgona go bua ba utlwisiwa? A o ile wa tlhoka monna kgotsa mogolo go bua mo boemong jwa gago?
- ☒ • A o ne o gololesegile go botsa dipotso le go bua pele ga go newa tshwetso?
- ☒ • Ke mang yo o dirang tshwetso ya bofelo?
- ☒ • A bothata bo rarollotswe sentle ka tekatekano?
- ☒ • A o kile wa tshwanetse go duela kotlo?
- ☒ • A o kile wa duela sengwe pele kgotsa morago ga tsheko? Fa e le jalo, bokae le makgetlho a le kae?
- ☒ • A o akanya gore puso e tshwanetse go kwala molao o o laolang diforo tseno?